

სსიპ ივანე ჯავახიშვილის სახელობის თბილისის სახელმწიფო უნივერსიტეტი



ბეჭდვა და მასთან დაკავშირებული მომსახურებები

გამარტივებული ელექტრონული ტენდერი

დაფინანსების წყარო: შოთა რუსთაველის სახელობის საქართველოს ეროვნული
სამეცნიერო ფონდის №31/53 საგრანტო პროექტი

სატენდერო დოკუმენტაცია

*სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.



სარჩევი

1. ტექნიკური დავალება
2. დანართი 1 – ფასების ცხრილი
3. დანართი 2 - რეკვიზიტები
4. სახელმწიფო შესყიდვის შესახებ ხეშეკრულების პროექტი

ტექნიკური დავალება

1. შესყიდვის საგანია: წიგნის „მხატვრული აზროვნების ტრანსფორმაციის ფორმები ქართულ ფოლკლორში“ ბეჭდვა

1.1. შესყიდვის ობიექტის აღწერილობა და მოცულობა მოცემულია დანართი 1-ის სახით.

1.2. მიმწოდებლის მიერ გაწეული მომსახურების ხარისხი უნდა აკმაყოფილებდეს შემსყიდველის მოთხოვნებს. მომსახურება შესრულებული უნდა იყოს მაღალ პოლიგრაფიულ დონეზე.

1.3. საგაყიდველთა ფასით გამარჯვებულმა პრეტენდენტმა შემსყიდველის შეტყობინების შემდეგ არაუგვიანეს 3 (სამი) სამუშაო დღის ვადაში შემსყიდველ ორგანიზაციაში წარმოადგინოს მის მიერ გამოშვებული პროდუქციის ნიმუშები: წიგნები მაგარი ყლით, ძაფში შეკერილი (მინიმუმ 2 დასახელება).

1.4. ფასწარმოქმნის ადეკვატურობის დასაბუთება (ასეთის მოთხოვნის შემთხვევაში): იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2. ანგარიშსწორების ფორმა, ვადები და პირობები

2.1. მიმწოდებლის მიერ შემოთავაზებული ფასები უნდა იყოს საბოლოო და შეიცავდეს მომსახურების გაწევასთან დაკავშირებულ მიმწოდებლის ყველა ხარჯს, მათ შორის კანონმდებლობით გათვალისწინებულ გადასახადებს.

2.2. ანგარიშსწორება მოხდება უნაღდო ანგარიშსწორებით ეროვნულ ვალუტაში.

2.3. ანგარიშსწორება „შემსყიდველსა“ და „მიმწოდებელს“ შორის განხორციელდება შესყიდვის ობიექტის მოწოდების შემდგომ, მიღება-ჩაბარების აქტის, შესაბამისი ანგარიშ-ფაქტურის და/ან ინვოისის, ინსპექტირების დადებითი დასკვნის საფუძველზე, დოკუმენტაციის სრულყოფილი სახით წარმოდგენიდან 15 კალენდარული დღის განმავლობაში.

2.4. შემსყიდველის გადაწყვეტილებით შესაძლებელია განხილული იქნას წინასწარი ანგარიშსწორება (აგანსი) იდენტური ოდენობის თანხაზე წარმოდგენილი საბანკო გარანტიის საფუძველზე, რომლის პირობები განისაზღვრება ურთიერთშეთანხმებით.

3. მიწოდების ვადა, ადგილი და პირობები

3.1. მიმწოდებელმა მომსახურება უნდა უზრუნველყოს „ტექნიკურ დავალებაში“ აღწერილის შესაბამისად.

3.2. მიმწოდებელს უნდა გააჩნდეს ტექნიკურ დოკუმენტაციაში აღწერილი მომსახურების განხორციელებისათვის აუცილებელი ტექნიკური შესაძლებლობები.

3.3. მიმწოდებელმა მომსახურების გაწევა უნდა განახორციელოს შემსყიდველის მიერ დასაბეჭდად გამზადებული მასალის გადაცემიდან (შესაძლებელია ელექტრონულად) არაუგვიანეს 30 კალენდარული დღის განმავლობაში.

მიმწოდებლისათვის მასალის გადაცემა შემსყიდველმა უნდა უზრუნველყოს ხელშეკრულების გაფორმებიდან არაუგვიანეს 3 (სამი) სამუშაო დღის განმავლობაში.

3.4. მიმწოდებელმა შესყიდვის ობიექტის მოწოდება უნდა განახორციელოს შემდეგ მისამართზე: ქ.თბილისის ი.ჭავჭავაძის გამზ.№1 თსუ პირველი კორპუსი.

3.5. მოსაწოდებელი შესყიდვის ობიექტი ჩაითვლება მიღებულად თსუ ინსპექტირების და /ან შესაბამისად უფლებამოსილი პირის დადებითი დასკვნის საფუძველზე.

4. დამატებითი ინფორმაცია

4.1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

4.2. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და/ან ბეჭდით.

4.3. გამარჯვებული პრეტენდენტი ვალდებულია ხელშეკრულების გაფორმებამდე შემსყიდველს წარუდგინოს გაჭრობის შედეგად დაფიქსირებული საბოლოო ფასების ცხრილი ზემოაღნიშნული ფორმის მიხედვით, შემდგომში ხელშეკრულების განუყოფელი ნაწილი.

5. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

- რეკვიზიტები დანართი №2-ის მიხედვით
- ტექნიკური დავალების დანართი №1-ის შესაბამისად შედგენილი განფასება – ფასების ცხრილი- მომსახურების აღწერილობის, ერთეულის და საერთო ღირებულების მითითებით (კანონმდებლობით დადგენილი ყველა ხარჯისა და გადასახადის გათვალისწინებით)

6. შენიშვნა: პრეტენდენტი, რომელიც მონაწილეობას მიიღებს აღნიშნულ ტენდერში, ავტომატურად ეთანხმება ქვემოთ ჩამოთვლილ ინფორმაციას:

- 6.1. ანგარიშსწორების ვადებისა და პირობების შესახებ, სატენდერო დოკუმენტაციის მე-2 პუნქტის შესაბამისად;
- 6.2. მიწოდების ვადებისა და პირობების შესახებ, სატენდერო დოკუმენტაციის მე-3 პუნქტის შესაბამისად.

დანართი 1

ფასების ცხრილი

პრეტენდენტის დასახელება _____

#	დასახელება და აღწერილობა	რაოდენობა	ერთეულის ფასი	მთლიანი ფასი
1	2	3	4	5
1	წიგნის „მხატვრული აზროვნების ტრანსფორმაციის ფორმები ქართულ ფოლკლორში” ბეჭდვა ბეჭდვის პარამეტრები: წიგნის ფორმატი – A5 გარეკანი – მაგარი (ბისტონის ტიპის მუყაო), ფერადი, ლამინირებული გვერდების რაოდენობა – 450 ქაღალდი – ოფსეტი, 80 გრამიანი ბეჭდვა – შავ-თეთრი აკინძვის სახეობა – ძაფზე შეკერილი	350 ეგზემპლარი		
	დაკაბადონება			
	ყდის ღიზაინი (შეთანხმებით)			
		ჯამი		

პრეტენდენტის ხელმოწერა _____

რეკვიზიტები:

- პრეტენდენტის იურიდიული ფორმა და სრული დასახელება
- ხელმძღვანელის სახელი და გვარი
- პრეტენდენტის იურიდიული ან/და ფიზიკური მისამართი
- პრეტენდენტის ელფოსტის მისამართი
- საკონტაქტო პირის ტელეფონის ნომერი
- ბანკის კოდი
- ანგარიშსწორების ანგარიში
- საიდენტიფიკაციო კოდი

პრეტენდენტის ხელმოწერა _____

შენიშვნა: სატენდერო დოკუმენტაციასთან დაკავშირებით დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო პირი ინგა მერკვილიშვილი - 22 78 62, 577 59 58 39

სახელმწიფო შესყიდვების შესახებ **ხელშეკრულების პროექტი**
ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქთბილისი

2016 წელი

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის **დავით ნომახიძის** სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტი.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.

1.6. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. შოთა რუსთაველის სახელობის საქართველოს ეროვნული სამეცნიერო ფონდის №31/53 საგრანტო პროექტის დაფინანსების ფარგლებში წიგნის „მხატვრული აზროვნების ტრანსფორმაციის ფორმები ქართულ ფოლკლორში“ - ბეჭდვა და მასთან დაკავშირებული მომსახურების შესყიდვა (CPV 79800000).

2.2. ხელშეკრულებით გათვალისწინებული შესყიდვის ობიექტის აღწერა მოცემულია ტექნიკურ დავალებასა და დანართი 1-ში.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ მომსახურებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

4. ხელშეკრულების შესრულების კონტროლი

4.1. „შემსყიდველის“ მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში „შემსყიდველის“ მოთხოვნის შესაბამისად.

4.2. ინსპექტირებას განახორციელებს ივანე ჯავახიშვილის სახელობის თბილისის სახელმწიფო უნივერსიტეტის თანამშრომელთა (ინსპექტირების) ჯგუფი და/ან პროექტის უფლებამოსილი წარმომადგენელი, რომელთაც შეუძლიათ ინსპექტირება განახორციელონ როგორც ინდივიდუალურად, ასევე ერთობლივად.

4.3. „შემსყიდველის“ შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით გაწეული მომსახურება, „მიმწოდებელი“ ვალდებულია 10 (ათი) დღის ვადაში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, „მიმწოდებელი“ ვალდებულია დაუბრუნოს „შემსყიდველს“ აღნიშნული მომსახურების ღირებულება.

4.4. „შემსყიდველი“ ვალდებულია ოპერატიულად, წერილობითი სახით, აცნობოს „მიმწოდებელს“ საბოლოო შემოწმების შედეგები დაწუნებული მომსახურების ნაწილის და წუნდების მიზეზის მითითებით.

4.5. ამ მუხლის არცერთი პუნქტი არ ათავისუფლებს „მიმწოდებელს“ მოცემული ხელშეკრულების გარანტიის ან სხვა ვალდებულებებისაგან.

5. შესყიდვის ობიექტის მიღება-ჩაბარების წესი

5.1. მომსახურების მიღება-ჩაბარება განხორციელდება წინამდებარე ხელშეკრულების 4.2 პუნქტით განსაზღვრული ინსპექტირების დადებითი დასკვნისა და მიღება-ჩაბარების აქტის საფუძველზე.

6. ანგარიშსწორების ფორმა, ვადები და პირობები

6.1. „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

6.2. ანგარიშსწორება „შემსყიდველსა“ და „მიმწოდებელს“ შორის განხორციელდება შესყიდვის ობიექტის მოწოდების შემდგომ, მიღება-ჩაბარების აქტის, შესაბამისი ანგარიშ-ფაქტურის და/ან ინვოისის, ინსპექტირების დადებითი დასკვნის საფუძველზე, დოკუმენტაციის სრულყოფილი სახით წარმოდგენიდან 15 კალენდარული დღის განმავლობაში.

7. შესყიდვის ობიექტის მიწოდების ვადა და პირობები

7.1. მიმწოდებელმა მომსახურება უნდა უზრუნველყოს „ტექნიკურ დავალებაში“ აღწერილის შესაბამისად.

72. მიმწოდებელს უნდა გააჩნდეს ტექნიკურ დოკუმენტაციაში აღწერილი მომსახურების განხორციელებისათვის აუცილებელი ტექნიკური შესაძლებლობები.

73. მიმწოდებელმა მომსახურების გაწევა უნდა განახორციელოს შემსყიდველის მიერ დასაბუჟდად გამზადებული მასალის გადაცემიდან (შესაძლებელია ელექტრონულად) არაუგვიანეს 30 კალენდარული დღის განმავლობაში.

მიმწოდებლისთვის მასალის გადაცემა შემსყიდველმა უნდა უზრუნველყოს ხელშეკრულების გაფორმებიდან არაუგვიანეს 3 (სამი) სამუშაო დღის განმავლობაში.

74. მიმწოდებელმა შესყიდვის ობიექტის მოწოდება უნდა განახორციელოს შემდეგ მისამართზე: ქობილისის იჭავჭავაძის გამზ.№1 თსუ I კორპუსი.

75. მოსაწოდებელი შესყიდვის ობიექტი ჩაითვლება მიღებულად თსუ ინსპექტორების და /ან შესაბამისად უფლებამოსილი პირის დადებითი დასკვნის საფუძველზე.

8. მხარეთა პასუხისმგებლობა

8.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო შეუსრულებელი ვალდებულების 0.1%-ის ოდენობით ყოველი გადაგადაცილებული დღისათვის.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი თანხის 0.1%-ის ოდენობით ყოველი გადაგადაცილებული დღისათვის.

8.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, „მიმწოდებელი“ იტოვებს უფლებას შეწყვიტოს ხელშეკრულება და მოსთხოვოს „შემსყიდველს“ ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.5. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისგან.

8.6. მხარეებს უფლება აქვთ მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

9. მხარეთა უფლება-მოვალეობანი

9.1. „შემსყიდველს“ უფლება აქვს:

9.1.1. მოსთხოვოს „მიმწოდებელს“ ხელშეკრულებით გათვალისწინებული პირობების ზუსტი და განუხრელი შესრულება;

9.1.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

9.1.3. მოითხოვოს გამოვლენილი ხარვეზების აღმოფხვრა დამატებითი ანაზღაურების გარეშე;

9.1.4. შეწყვიტოს ხელშეკრულება მომსახურების ხარისხის და/ან ხელშეკრულების პირობების გაუარესების გამო;

9.2. „შემსყიდველი“ ვალდებულია:

9.2.1. უზრუნველყოს მომსახურების ღირებულების დროული გადახდა მომსახურების გაწევისა და შესაბამისი დოკუმენტაციის სრულყოფილი სახით წარმოდგენის შემდეგ 10 კალენდარული დღის ვადაში.

9.3. „მიმწოდებელი“ უფლებამოსილია:

9.3.1. მოსთხოვოს „შემსყიდველს“ შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;

9.3.2. მოსთხოვოს „შემსყიდველს“ ხელშეკრულებით გათვალისწინებული პირობების ზუსტი და განუხრელი დაცვა;

9.4. „მიმწოდებელი“ ვალდებულია:

9.4.1 განახორციელოს მომსახურების გაწევა ხელშეკრულების შესაბამისად;

9.4.2. უზრუნველყოს ხელშეკრულებით გათვალისწინებული ვადების დაცვა;

9.4.3. განიხილოს „შემსყიდველის“ პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

9.4.4. განახორციელოს „შემსყიდველის“ ინფორმაციული უზრუნველყოფა გაწეული მომსახურების შესახებ.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

12.5. თუ შემსყიდველი დარწმუნდება, რომ შეუძლებელია შესყიდვის ობიექტის მიწოდება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 10%-ის ოდენობით.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებული დუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებებისაგან.

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტდ მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება ძალაში შედის მხარეთა უფლებამოსილი პირების ხელმოწერის დღიდან და მოქმედებს **2016 წლის 1 ივნისამდე**.

14. დასკვნითი დებულებები

14.1. ხელშეკრულება შედგენილია ქართულ ენაზე სამი თანაბარი იურიდიული ძალის მქონე ეგზემპლარად და ინახება მხარეებთან.

შემსყიდველი

მიმწოდებელი